



ODA E MJEKËVE TË KOSOVËS KOSOVO DOCTORS CHAMBER LEKARSKA KOMORA KOSOVA	
Mjekës: Udhë: Jedinitet:	ADM
Nr. i fletës: Nr. e stranës:	-03-
Nr. Prot.: Prot. No.: Br. Prot.:	191/2025
Data: Data:	15.12.2025
Prishtinë	

ODA E MJEKËVE TË KOSOVËS

KOSOVO DOCTORS CHAMBER • LEKARSKA KOMORA KOSOVA

THIRRJE PËR SHPREHJE TË INTERESIT

TRAJNER PËR MBAJTJEN E KURSIT PËR ULTRAZËRIN DIAGNOSTIK TË SISTEMIT OSTEOMUSKULAR

Hyrje

Oda e Mjekëve të Kosovës është organizatë e pavarur profesionale e mjekëve që ushtrojnë veprimtari profesionale mjekësore në Republikën e Kosovës.

OMK anëtareve të saj, i siguron standarde të larta të kodit të etikës dhe deontologjisë mjekësore, promovon dhe mbron veprimtarinë e profesionistëve shëndetësor në institucionet shëndetësore publike, private si dhe publiko-private, siguron edukimin e vazhdueshëm profesional me qëllim të ngritjes së performancës shëndetësore dhe ofrimit më cilësor të shërbimeve shëndetësore dhe shërbimeve tjera që kanë të bëjnë me kujdesin shëndetësor.

Përshkrim i shkurtër i qëllimit të projektit

Ky projekt ka për qëllim zhvillimin e një kursi trajnues për përdorimin e ultrazërit diagnostik të sistemit osteomuskular, i dedikuar për Specialistët e Mjekësisë Fizikale me Rehabilitim dhe Specialistët e Fiziatriisë në Klinikën e Mjekësisë Fizikale dhe Rehabilitimit. Përdorimi i ultrazërit si mjet diagnostik jo-invaziv është bërë standard në praktikën moderne të mjekësisë fizikale, duke mundësuar diagnostikim të hershëm dhe vendimmarrje të shpejtë klinike.

Ky kurs do të shërbejë si trajnim me bazë teorike dhe praktike, i cili synon të përmirësojë cilësinë e shërbimeve shëndetësore për qytetarët që marrin shërbime në klinikë

Oda e Mjekëve të Kosovës fton mjekë specialist të Radiologjisë, të interesuar dhe me eksperiencë të dëshmuar në përdorimin e ultrazërit të sistemit osteomuskular që të aplikojnë për t'u angazhuar si trajnerë në kursin e ultrazërit muskuloskeletor.

Objektivat e angazhimit dhe rezultatet e pritura

Objektivi i këtij angazhimi të trajnerit/es është të siguroj një program trajnimi për Specialistët e Mjekësisë Fizikale me Rehabilitim dhe Specialistët e Fiziatriisë në Klinikën e Mjekësisë Fizikale dhe Rehabilitimit në Prishtinë në fushën e ultrazërit diagnostik për sistemin osteomuskular.

Ky kurs trajnimi pritet tu ofroj Specialistët e Mjekësisë Fizikale me Rehabilitim dhe Specialistët e Fiziatriisë në Klinikën e Mjekësisë Fizikale dhe Rehabilitimit aftësi për të ofruar shërbime të specializuara për pacientët, dhe t'ju mundësoj që të njohin më mirë dhe të jenë kompetent në

kuptimin, funksionimin dhe aplikimin e ultrazërit diagnostik për sistemin osteomuskular në punën e tyre të përditshme.

Kursi pritet që të rrisë shkathtësitë diagnostike të stafit mjekësor duke siguruar përmirësimin e cilësisë së shërbimeve shëndetësore, diagnostifikimin e shpejtë dhe vendimmarrjen e duhur klinike dhe rritjen e sigurisë në ofrimin e shërbimeve shëndetësore.

Metodologjia

Trajnimi do të përbëhet nga komponenta praktike, trajnime në pajisje reale ultrazëri mbi modele të shëndetshme dhe pacientë me patologji të ndryshme osteomuskulare dhe komponenta teorike, ligjerata të përqendruara interaktive.

Pritshmëritë

Nën udhëzimin e përgjithshëm të OMK-së dhe të KMFR-së dhe në bashkëpunim me trajnerin e angazhuar pritet të:

- Përgatiten modulet e trajnimit
- Propozohen afatet kohore të sesioneve të trajnimit
- Ngrihen njohuritë mbi parimet fizike të ultrazërit dhe kontrollin e cilësisë
- Zhvillohen shkathtësitë për përdorimin e ultrazërit për diagnostifikim të patologjive më të shpeshta të sistemit osteomuskular
- Përgatitet një raport përfundimtar mbi zbatimin e aktiviteteve të kursit

Specialistët e Mjekësisë Fizikale me Rehabilitim dhe Specialistët e Fiziatriisë pjesëmarrës në trajnim do të përzgjidhen nga menaxhmenti i Klinikës së Mjekësisë Fizikale dhe Rehabilitimit.

Trajneri do të punojë drejtpërdrejt me Specialistët e Mjekësisë Fizikale me Rehabilitim dhe Specialistët e Fiziatriisë në KMFR për të kryer me sukses detyrat e mësipërme, ai/ajo do të punojë ngushtë me menaxhmentin e klinikës dhe do të sigurojë raportin përmbledhës dhe të arriturat e trajnimit. Eksperti është i detyruar të përgatisë raportin përfundimtar të trajnimit i cili do t'i dërgohet për miratim Kryetarit të Odës së Mjekëve të Kosovës.

Kohëzgjatja

Koha e parashikuar e punës: 16 ditë

Hapi	Përshkrimi i aktivitetit	Nr. ditëve
1.	Përgatit dhe prezanton përmbajtjen e moduleve të trajnimit	1
2.	Organizon dhe zbaton sesionet e trajnimit	10
3.	Zbatimi i pjesës teorike të trajnimit	2
4.	Harton raportin përfundimtar dhe dorëzon në OMK	3
	Total	16

Kualifikimet dhe përvoja

- Diplomë universitare në Mjekësi
- Specializim në Radiologji apo Specialist i Ortopedisë me Traumatologji (i certifikuar si trajner për ultrazë)
- Niveli akademik paraqet përparsi
- Leje pune dhe licencë nga institucionet përkatëse profesionale
- Minimumi 8 vjet përvojë në departamentet përkatëse të specializuara;
- Të siguroj së paku një paisje të ultrazërit gjatë trajnimit, e preferueshme të jenë dy paisje të UZ
- Dëshmi për certifikata nga trajnimet e vijuar në fushën përkatëse
- Aftësi të forta ndërpersonale
- Aftësi të shkëlqyera të komunikimit verbal dhe në të shkruar dhe përvojë e demonstruar në punën me ekipe të ndryshme
- Njohuri të rrjedhshme të gjuhës shqipe dhe angleze në të shkruar dhe në të folur

Dokumentet dhe procedura për aplikim:

- Kopja e diplomave
- Kopja e Certifikatës së Licencimit nga institucioni përgjegjës;
- Kopja e certifikatave
- Dëshmi mbi përvojën e punës
- Një draft propozim mbi metodologjinë e punës për këtë angazhim, përfshirë planifikimin e procesit të zhvillimit të trajnimit përkatës;
- Një letër që përfshinë ekspertizën dhe përvojën në fushën e mbajtjes së trajnimit;
- Curriculum Vitae (CV);
- Propozim financiar

Propozimi financiar: Kërkesa financiare duhet të jetë e detajuar për secilën punë që do të realizohet, këtu duhet të përfshihet, mbajtja e trajnimit, shkrimi i raportit dhe një plan tentativë i punës;

Aplikacionet duhet të dorëzohen në formë elektronike në e-mail adresën: **info@omk-rks.org** me subjektin Aplikacioni për Trajner/e për mbajtjen e trajnimit për ultrazërin diagnostik për sistemin osteomuskular apo edhe dorëzimi i aplikacionit në mënyrë fizike në zyrat e Odës së Mjekëve të Kosovës, adresa QKUK, Instituti A, Kati III, 10000, Prishtinë.

Afati i fundit për dorëzimin e aplikacionit është me datë: 26 Dhjetor 2025, ora 16:00. Vetëm kandidatët e suksesshëm do të kontaktohen.